










1930



№1

ლაკარაკობს ტფილისი!...



რ
ე
მ
ე
ფ
ა
ს
ი
ს
მ
ე
ბ
რ
ე
ბ
ი

ამჟამად ქ. ტფილისსა და მის ოლქში გაცხრივლებით მიმდინარეობს ხელისმომწერა ჟურნალ „რემედას“-ზე.

1930 წ. იანვრის პირველისათვის ჩვენს ჟურნალს ქ. ტფილისსა და მის ოლქში ჰყავს 5000 წლიური ხელის მომწერი, რაც უნდა ჩაითვალოს რემედასის აქტივის უდიდეს ბამარჯვებათ.

სიტყვა ეკუთვნის რემედასის ყველა საოლქო, სამაზრო და რაიონულ კომიტეტებს.

ჟურნალ „რემედას“-ის ტირაჟი 1930 წ. უნდა ავიდეს 10000. რემედასის ყველა უზრავდი, ყოველი აქტიური წევრი — ვალდებულია გამოიწეროს ჩვენი ჟურნალი, გაავრცელოს ის მხრომელთა მასაში და ამით ხელი შეუწყოს უცხოეთისა და ჩვენი ქვეყნის მუშათა კლასის ერთსულრგნების განმტკიცებას.

ჟურნალ რემედასის რედაქცია აქვე აცხადებს ყველა საოლქო, სამაზრო, რაიონულ კომიტეტებისა და რემედასის წევრთა საუზრადღებოთ, რომ 1930 წ. განმავლობაში ჟურნალის განსაზღვრული ტირაჟის გამოცემის ბამო, ჟურნალი გადაეზავნება მხოლოდ ხელის მომწერლებს, რომლებიც წინდაწინ გადაიხდიან მის ღირებულებას.

ჟურნალის ბამოწერასთან ღაკავშირებული ყოველგვარი ცნობები ბადმომზავნილი უნდა იქნეს რედაქციაში ყოველი თვის 10 — 15-მდე.

მისამართი: ტფილისი, კომინტერნის ქ. № 5. რემედასის გამომცემლობას.

ჩვენი ჟურნალის მეგობრები, რომლებმაც ხელი შეუწყვეს რემედასზე ხელის მოწერის ჩატარებას. მალლიდან ქვემოთ: 1. ა. ყიფიანი, 2. პ. ზავაროვსკი 3. ვ. მეგრელიშვილი, 4. კ. ღუტიძე 5. შ. ჩხაიძე, 6. გ. ჩოჩუა, 7. მ. წინამძღვარიშვილი და 8. ნანიკაშვილი.

№ 1

ი ა ნ ვ ა რ ი

1930

რედაქცია

რედაქციის საპარტოვო სენატალურ და ტფილისის
საოლქო კომიტეტების მოვალეობის მტკიცებითრედაქციის მისამართი:
ტფილისი, კომინტერ-
ნის ქ. №5, II-რე სართ.

∞ ტელ. 17 42. ∞

დათვალიერების ამოცანები

როგორც ჩვენმა მკითხველებმა იციან ეხლა მთელი საბჭოთა კავშირის მასშტაბით მიმდინარეობს რემედისის ორგანიზაციების დათვალიერება.

ზედმეტია ლაპარაკი იმაზე, რომ ჩვენს მუშაობას ბევრი ნაკლი ახასიათებს. უწინარეს ყოვლისა ძირითად ნაკლად უნდა ჩაითვალოს ის, რომ მშრომელი მოსახლეობის დიდი უმრავლესობა ჯერ კიდევ რემედისის რიგების გარეშე სდგას. ნელი ტემპით მიმდინარეობს აქტივთა კადრების მომზადება, მათი ჩამოყალიბება; სოფლად მუშაობისა და მასების ინტერნაციონალურად აღზრდის საქმე არ არის რიგიანად მოგვარებული.

ამიტომ ჩვენს გადაუდებელ ამოცანას წარმოადგენს კიდევ უფრო მეტად დავრჯნოთ საბჭოთა საზოგადოებრიობა რემედისის რიგების ირგვლივ. მართალია რემედისის საკმაოდ პოპულარობით სარგებლობს მშრომელთა მასაში, მაგრამ ეს როდის გვაძლევს იმის საბაბს, რომ ყველაფერი თავის რიგზე წარმოვიდგინოთ და ყველა მტკივნეული ამოცანები მოგვარებულად მივიჩნიოთ.

რემედისის შესახებ პროფკავშირების, პარტიულ და კომკავშირული ორგანოების მიერ გამოტანილი დადგენილების თანახმად უნდა შეუდგეთ რემედისის რიგებში დემდის ჩატარებულ მუშაობის გამოკვლევას. მთელი საბჭოთა საზოგადოებრივობის ყურადღება უნდა მივაპყროთ რემედისის ამოცანებს, რათა კაპიტალის პატიმართა მატერიალური და მორალური დახმარების საქმე მკვიდრ ნიადაგზე იქნეს დაყენებული ჩვენში.

დათვალიერების პროცესში აუცილებლათ გამორკვეული უნდა იქნეს ძირითადი ორგანიზაცია — უჯრედების მუშაობა. ყოველმხრივად გაშუქებული უნდა იქნეს, თუ რა დონეზე სდგას, და რას წარმოადგენს რემედისის უჯრედის მუშაობა ყოველდღიურად. განსაკუთრებული ყურადღება უნდა მიექცეს: საშეფო და მასიურ აღმზრდელობითი მუშაობას, საწევრო ანარიცხების აკრების სისწორით ჩატარებას, საზოგადოებრივი კონტროლისა და სარევიზიო კომისიების საქმიანობას.

რემედისის მასიური მუშაობას უაღრესი მნიშვნელობა ენიჭება. მასიური მუშაობის სწორად დაყენებაზეა დამოკიდებული ორგანიზაციის წევრთა რაოდენობის გაძლიერება, აქტივთა ახალი კადრების ჩამოყალიბება და მათი აღზრდა. ამიტომ ჩვენ უწინარეს ყოვლისა სწორეთ ამ მა-

სიური მუშაობით უნდა ვიყოთ დაინტერესებულნი. ჩვენ ყოველმხრივად ხელი უნდა შეუწყუთ ამ მუშაობის გამოცოცხლებას და მის სათანადო სიმაღლეზე დაყენებას.

ჩვენთვის საინტერესოა აგრეთვე გამოვარკვიოთ თუ რა პრაქტიკულ მონაწილეობას ღებულობს რემედისი სოციალიზმის ალმშენებლობაში. ამ მხრივ ჩვენ გვაქვს რიგი მიღწევებისა, მაგრამ ჩვენ ამის შესახებ არა გვაქვს ნათელი წარმოდგენა. საჭიროა ეს მონაწილეობა გამორკვეული იქნეს, აღვსახოთ მისი დადებითი შედეგები და ის თვალსაჩინო გავხადოთ რემედისის მასისათვის.

დათვალიერების პროცესში ჩვენს წინაშე მთელი თავისი სიგრძე-სიგანით წამოჭრილია რემედისის რიგების გაძლიერების საკითხი არ შეიძლება ითქვას რომ უკანასკნელ წლების განმავლობაში ადგილი არ ჰქონოდა წევრთა რაოდენობის გაძლიერებას, მაგრამ ეს ისე ნელი ტემპით სწარმოებდა, რომ მასზე არ ღირს ყურადღების შეჩერება. დათვალიერებამ ერთხელ და სამუდამოთ საზღვარი უნდა დაუდვას ასე კუს ნაბიჯით სიარულს და რემედისის რიგებში უნდა დარაჯნოს მუშების, გლეხების, მუშა და გლეხი ქალებისა და მშრომელი ახალგაზრდობის დიდი უმრავლესობა. რემედისის რიგებში უნდა დაირაჯნოს აგრეთვე ულარიბესი გლეხები და მოჯამაგირეები. აი, რემედისის დათვალიერების ძირითადი ამოცანები.

რემედისის დათვალიერების ნაყოფიერად ჩატარებაში მთელი 100%-ით უნდა ჩავაბათ, როგორც თვით რემედისის წევრთა ისე მშრომელი მასა. მასების მონაწილეობა დათვალიერებაში, აი ყველაზე მთავარი, რომელიც უზრუნველყოფს ჩვენს გამარჯვებას ამ მიმართულებით.

დათვალიერების დროს მთელი ჩვენი მუშაობა გამოგვაქვს მასების სამსჯავროს წინაშე. ეს კი მეტად საპასუხისმგებლო ნაბიჯია, ამიტომ რემედისის ყველა კომიტეტი და უჯრედები ვალდებული არიან ფხიზლათ მოეპყრან მას.

ჩვენ უნდა გვახსოვდეს, რომ ამ დათვალიერების გამოყენებას შეეცდებიან კლასობრივად მტრულად განწყობილი ფენები. ისინი შეეცდებიან აგრეთვე ჩვენი აქტივის ავტორიტეტის დაცემას მასის თვალში რემედისის უჯრედთა მუშაობის შესაფერხებლათ. ჩვენ უნდა დავიხსოვოთ ეს და არავითარ შემთხვევაში არ მივსცეთ მათ ამისი საშუალება. როცა ჩვენ ვიყენებთ ძირითად ორგანიზაციების გა-

დაშინჯვისა და თვითკრიტიკის ღოჭუნგებს უნდა გვახსოვდეს, რომ ამით შეუძლია იხელმძღვანელონ მხოლოდ ისევე ჩვენს უჯრედებს, წევრთა მასას და აქტივთა კადრებს, რომლებიც უშუალოდ ჩაბმულნი არიან რემედაციის უოველდღიურ მუშაობაში და აინტერესებთ მისი ნაყოფიერი შედეგები.

მართალია ჩვენ ორგანიზაციულად იმდენად მტკიცე ვართ, რომ შეგვიძლია თამამად უკუვაქციოთ შემომტევი, მტრულად განწყობილთა ფენები, ჩვენ შევძლებთ აგრეთვე შევინარჩუნოთ კლასიური ხაზის სისწორე, არ გავამრუდოთ ის, მაგრამ ამავე დროს ჩვენ უნდა შევეცადოთ, რათა ისეთი სერიოზული პოლიტიკური მუშაობა, როგორიცაა ჩვენი რიგების დათვალიერება სათანადო უზრუნველყოთ პროლეტარულ ხელმძღვანელობით. ეს მუშაობა

ჩაატარებული უნდა იქნეს იმგვარად, რომ საწარმოო სექტორი პირველ რიგებში მიემართებოდეს ამ მიმართულებით, დათვალიერებამ ხელი უნდა შეუწყოს ხელმძღვანელ ორგანოებში მწარმოებულ მუშების დაწინაურებას.

ჩვენ უნდა შევეცადოთ აგრეთვე მიღწეული შედეგების საბოლოო განმტკიცებასა და შენარჩუნებას ჩვენი მომავალი მუშაობის მტკიცე საფუძველზე დასაყენებლად.

ყველა ადგილობრივი ორგანიზაციების, მთელი ჩვენი აქტივის ენერგიულმა მუშაობამ უნდა უზრუნველყუდეს რემედაციის რიგების დათვალიერების ჯეროვნად ჩატარება, რათა ამრიგად მიღწეული იქნეს ახალი გამარჯვებები.

რემედაციის რიგების დათვალიერების ირგვლივ უნდა დაირაზმოს მთელი ჩვენი საბჭოთა საზოგადოებრიობა და რემედაციის მასა. აი, ჩვენი სადღეისო ღოჭუნგები.

ჩ ი ნ ე თ ი დ ღ ე ს

ჩინეთი დღეს წარმოადგენს — ჰაოსს, ომის, სიმშლილსა და ძარცვა-გლეჯის სარბიელს. ერთის შეხედვით თითქმის „გაერთიანებული“ ბურჟუაზიული ჩინეთი ისევ დაქუცმაცდა, პატარ-პატარა ფეოდალურ ერთეულებათ. ჩინეთის ბურჟუაზია და მისი დამხმარე ჩრდილოეთ ამერიკას შერთებული შტატები, რომლებიც ოცნებობდნენ ბურჟუაზიულ ჩინეთის გართიანებაზე, სასტიკად მოსტყუედნენ.

ერთის მხრივ განუწყვეტელი შინაური ომები, ძარცვა-გლეჯა მანჯურიისა, აღმოსავლეთ-ჩინეთის რკინის გზის დაპყრობა. მეორეს მხრივ სამხრეთის ნაწილში გაძლიერებული რევოლუციონური მოძრაობა რამდენიმე თვეების განმავლობაში საშინელ პირობებს ჰქმნის მთელ მხარეში.

მრავალმილიონიანი ჩინეთი შეარყია საერთაშორისო მნიშვნელობის მოძრაობამ, რომლის განვითარებასა და მსვლელობაზე ბევრათ დამოკიდებულია ჩინეთის მომავალი საერთაშორისო მდგომარეობა.

ჩინეთის 6-7 მილიონი მუშა დღეს განიცდის საშინელ ექსპლუატაციას, დევნასა და რეპრესიებს. ჩინეთის სამხრეთი და სამხრეთ-დასავლეთით ანადგურებენ ლენების ბანდების შემოტევას და არბევენ მათ მიერ შექმნილ თეთრების ბათალიონებს. გომინდანის აგრარული პოლიტიკით მოტყუებული გლეხთა მრავალრიცხოვანი მასა აწყობს აჯანყებებს. პროვინციის მთავრობები კი, რომლებიც მოსახლეობას პირდებოდნენ ირიგაციულ, აგრი-კულტურულ და აღმშენებლობითი დახმარების აღმოჩენას, ველარ ენახვება ხალხს. თუ მას გვერდით არ ახლავს კარგად შეიარაღებული მცველები. აქ თითოეული სოფელი ფრონტს წარმოადგენს. დაბეგრილია თითქმის ყველა. ბეგარა აკრეფილია რამდენიმე წლის ადრე, სიმშლილი მუხრს ავლებს გლეხობას.

ახლად წამოწეული კულაკები და მემამულეები შურს ძიობენ გლეხობაზე 26-27 წ. წ. ჩატარებულ მიწის რე-

ფორმის გამო. სოფლად მწვავე ხასიათს ღებულობს მე-ვახშეობა. ფენებათ დანაწილება ჩქარი ტემპით ვითარდება, გლეხობაში მწვავედება უკმაყოფილება.

თვით წვრილბურჟუაზიული ფენებიც, რომლებიც მოსტყუედნენ და იმედები გაუცრუვდათ, უნდობლად უცქერიან გომინდანს. ისინი სულ მარცხნივ მიემართებიან და რწმუნდებიან მუშათა კლასის სიმართლეში. გენერლები კი ისევ დაჭირავებული ჯარებით იკავებენ სულ ახალ-ახალ ტერიტორიებს და განაგრძობენ თავიანთ ბნელ საქმეებს. მუკდენელებმა ნანკინის ხელმძღვანელობით და ჩრ. ამ. შეერთებული შტატების კარნახით ხელთ ჩაიგდეს სამხრეთის რკინის გზა. ს. ს. რ. კავშირთან ურთიერთობის გაწყვეტით მუკდენი გამოუვალ ჩიხში მოემწყვდა. იმის მაგივრად, რომ მათ მოეპოვათ ოქრო და გამდიდრების გზას შესდგომოდნენ, ამ მოკლე ხნის განმავლობაში დაჰკარგეს 50 მილიონი დოლარი. მანჯურიის დღეს სრული ჰაოსი და სიმშლილი მძინვარებს. შეწყვეტილია ეაქრობა-მრეწველობა, ერთის სიტყვით მთელი მხარე საშინელი ეკონომიურ კატასტროფის წინაშე დადგა.

დაჭირავებული ჯარი იშლება, ის ცალკე-ჯგუფებათ დაეხეტება სოფლიდან-სოფლად და აწარმოებს ძარცვა-გლეჯას. რკინის გზის ხელში ჩაგდების შემდეგ ჩვენს წარმომადგელობასა და საზღვრებზე სისტემატიური თავდასხმები მოაწყვეს ახალ ომში ჩვენი ჩასათრევად, მაგრამ ეს გეგმები ვერ გაუმართლდათ. ¹⁾ ძლევამოსილი საბჭოთა კავშირი შეურყევლად სდგას თავის წითელ საზღვრებთან და ფხიზელ თვალყურს ადევნებს მოპირდაპირე მხარეში მომქმედ მტრის ოინებს.

ი. მოროზოვი.

¹⁾ ჩვენი ჟურნალის გვერდები უკვე შეკრული და დასაბეჭდათ გამზადებული იყო, როცა მივიღეთ ცნობა ჩინეთ-საბჭოთა კონფლიქტის მოგვარების შესახებ.



ფოტოდაშორის

(გაგრძელება *)

IX

სამი წელი გავიდა.

დათიამ, როგორც ძველი, გაცვეთილი ქურჭი, ისე შემოიგლიჯა წარსული ცხოვრების სუსხი და ახალ ცხოვრებას შეუდგა.

მეგობრებიც ახალი გაიჩინა.

წრომაც სულ სხვა.

და თითქოს ხალხიც შეიცვალა, თავისი სურვილებით, საქმით, გრძნობებით და ფიქრებით.

იქ, სადაც დათია მუშაობს ორი ათასი მუშაა.

ეს არის რკინის გზის მთავარი სახელოსნო.

სახელოსნოები გადაჭიმულია გრძლად, ავსილი განუწყვეტლად მოძრავი მკლავებით, მკერდის, და სახის დაძაგრული კუნთებით და მუდამ ელვარე, გაბრწყინებული თვალებით.

აქ არის რკინები, თუჯი, ფოლადი, გადადუღებული, გაგარვარებული წითლად აღზნებულ ცეცხლში და იგივე რკინა, იგივე ფოლადი და თუჯი ახმაურებული, ხალისიანი შრომისა და შენების საზეიმო პარმონიით.

აქ წიკწიკებს პატარა სარქველი. აქ ქშინავს დგუში, დატენილი ორთქლით და პურიით; აქ გუგუნებს შეკეთებული, აგებული, ძალით და ღონით ავსილი ორთქლმავლები და აქვე ეცემა პატარა, სუფთა წკრიალა ოფლის წვეთები, ჩამოგორებული შუბლიდან და მკერდიდან.

— დაგ, დაგ... — ეუბნება ფოლადის ბორბალს ურო და მძიმე მოვალეობის ასრულების გამო ძლივს იმართება მაღლა ახალი ბგერის ამოსაღებად.


ბორბალი კი წითელია. სულ რამდენიმე წუთის წინ ცეცხლის ღუმელიდან გადმოგორდა და როგორც რეზინა ისე იზნიქება.

— წკრრრ... ზზზზ... — მისრიალებს წინ და მალხაზ ბავშვით ხმაურობს უზარმაზარ დაზგაში ჩასმული ფოლადმჭრელი დანა.

— შენ, ამხანაგო, აქეთ მოიხედე, — გასძახა დათიას სახელოსნოში შემოსულმა ქალარა კაცმა, რომლის შემოსვლაც განუწყვეტელი ძლიერი ხმაურის გამო, ვერავინ შეამჩნია.

დათია, რომელიც მარწყხით ჩაჰკროდა კარგა მოზრდილ ბორბლის ხრახნს და რაც ძალი და ღონე ჰქონდა ატრიალებდა, ტანში გასწორდა კარებისაკენ რომ გაიხედა, საკონფლიქტო კომისიის თავმჯდომარე დაინახა, ნაცრისფერი წვერებით, დიდი აბურობვნილი წარბებით და გარეთ გადმოგდებული თვალებით.

— დღეს 6 საათზე სხდომაა, — მოახლოვებისთანავე რამდენჯერმე მხარზე ხელის დარტყმით მიაძახა და აჩქარებული კილოთი დააყოლა, — საქმეებია, საქმეები... „საქმეების“ წარმოთქმაზე მახვილი განსაკუთრებულად „ქ“-ს დაარტყა და ორივე ხელემა ფართედ გადაშალა. ხელემა გადაშლით ამტკიცებდა, რომ მას მოცლა არა ჰქონდა და თავიდან ფეხებამდე მუშაობაში იყო ჩაძირული.



იტალიის სასამართლოს დარბაზში სახელმწიფოებრივი დამნაშავეებისათვის დადგმული რკინის გალია — „გაბია“.

*) იხ. ჟურ. „რემედას“ — 1929 წ. დეკემბრის — № 12.

— რის შესახებ არის სხდომა?... შეეკითხა დათია და თვალეში მიაჩერდა. მარწუხს მეორე ხელიც მოჰკიდა და გადახსნა.

კომისიის თავმჯდომარეს თვალეში გახსნილ მარწუხში ჩაუვარდა. რამდენიმე წუთს გაბრუებული იტყირებოდა წიგ. მერე თითქოს გამოერკვა და ისეთივე ჩქარი ლაპარაკით წარმოსთქვა:



თეთრი ტერორის მსხვერპლი ჩინეთში.

— კონფლიქტია, კონფლიქტი.. გავწყლეთ, როგორც მარწუხში... უკანასკნელი სამი სიტყვა, რაღაც სიბრაზით წარმოსთქვა. ამ დროს მას თვალეშიდან თითქოს ნაპერკლები გადმოუცვინდა.

დათია სამუშაოსკენ მიბრუნდა.

ხრახნი ისევ მარწუხში მოაქცია და რაც ძალი და ღონე ჰქონდა შემოატრიალა. ბორბლები დაამაგრა. ლიანდაგზე, რომ დაეწყობა, აგუგუნდება სწორად... პირდაპირ...

სახელოსნოს ფანჯრებში ჩრდილი ჩამოწვა. ფანჯრების წინ შემოგორდა ორთქლმავალი. ის რემონტში იდგა. სამი თვის წინად ლიანდაგიდან გადავარდა და დაიმსხვრა.



თეთრი ტერორი რუმინეთში.

დღეს უკვე დაამთავრეს მისი შეკეთება და უნდა გამოსცადონ.

ფანჯრიდან მოჩანს როგორ ზის ზედ ათასამდე კაცი. ზოგი ქვაბზე, ზოგი აივანზე, ზოგი წიგ და უკანასკნელი წერილმანი საჭიროებებით ამთავრებენ მუშაობას.

ქვაბს სახურავი ახადეს და ონკანიდან გადმოინთხა ფართე შხრილა ნაკადულად წყალი. აივანო ქვაბი.

დათიას წინ რამდენ ორთქლმავალს აუმოქმედებია ბორბლები ამ სახელოსნოში შეკეთებულს. ყველა ბორბალი მისი შეკეთებულია, მისი დამაგრებული. კიდევ ერთი ორთქლმავალი უნდა ამოძრავდეს დღეს. ესეც, როგორც ყოველ სხვა დაჯახებით დამტკრებულია. უცქეროდა დათია და ფიქრებში გაეხვია...

— როდემდის უნდა იყოს ეს გულგრილი და მტრული მოპყრობა!.. წაიბუტბუტა თავისთვის და ფანჯარას მიუახლოვდა.

საყუდში ახმაურდა საყვირი.

პირველ ცვლამ მუშაობა დაამთავრა.

სახელოსნოში ხმაური უცბად შესწყდა. მხოლოდ აქაიკ გაისმოდა მცირე, ცალკეული ჩხრიალი ან კაკუნი და ისიც მალე მისწყდა.

ათასი თვალი დღის სინათლეს შეეგება და კმაყოფილნი შრომით, გარჯით, შექმნით და შენებით ცოლშვილისკენ გაეშურნენ.

შეკეთებულ ორთქლმავალს კი ისევ ის მუშები ეხვივნ. ვიდრე ორთქლმავალი არ აგუგუნდა, მათ მუშაობა არ შეუწყვეტიათ.

X

თავმჯდომარის ხელში ზარი აწკრიალდა და აქამდე ლაპარაკში ჩაფლული ოთახი სიჩუმემ მოიცვა.

აქ ისხდნენ დაზგის მუშები, რომლებმაც დღე მუშაობაში გაატარეს და საღამოს კი სხდომას სწირავდნენ.

მათ სახეებზე დასვენებისა და კმაყოფილების ჩრდილები გადაჰკროდათ.

— ამხანაგებო!.. გაისმა ნებისყოფით და სიძლიერით საესე ხმა. — ჩვენი დღევანდელი სხდომა მოწვეულია უკანასკნელ შემთხვევების გამო, რომელიც ხდება რკინის გზებზე. — ამ სიტყვებს ამბობდა თავმჯდომარე. ის იტყირებოდა ბრაზით და ერთი სახიდან მეორე სახეზე გადაჰქონდა თვალეები.

— მატარებლების დაჯახება ისე გახშირდა, რომ საესებით ექვი გვეპარება მემანქანეების და ტექნიკური ძალების კეთილსინდისიერებაში. — სიტყვა „კეთილ სინდისიერება“ დაყოფით და გარკვევით წარმოსთქვა, მას სურდა ყურადღება მიექციათ მისთვის. — თავმჯდომარე გაჩუმდა. — ამ სიჩუმით თითქოს ეუბნებოდა — „დაფიქრდით დარწმუნდით, რომ მტრები საშინელებას გვიმზადებენო“.

მართლაც ყველა დუმილმა შეიპყრო.

მერე დათია წამოდგა.

ნაწ სთქვა:

ჩვენ მშვიდობიან ცხოვრებას და ქვეყნის აღმშენებლობას ხელს უშლიან მუშებისა და გლეხების მტრები. საყუდი აივსო დამტვრეული ორთქლმავლებითა და რომლებით. აი, მხოლოდ ჩემ ხელში რამდენ ორთქლმავალს გაუვლია, არა მარტო დამტვრეულს, არამედ გამოურკვეველი მიზეზებით დაზიანებულსაც. ზოგი მემანქანე გულგრილად ეპყრობა, ზოგი ტეხნიკი, ან ინჟინერი ისეთ ორთქლმავალს უწევს გზაში, რომელიც პირველათ ვერსზევე მუშაობის უნარს დაკარგავს. ეს ყველაფერი ადმინისტრაციის ბრალია. ის არ აქცევს ყურადღებას და ამოდ იღუპება ქონებაც და შრომაც. — თითქოს თვითონვე ესიაშენებოდა დათიას თავისი სიტყვა. ამბობდა და გულში რაღაც სიხარულს განიცდიდა. — მე გავათავი, ჩემო ამხანაგებო, მოულოდნელად მოსჭრა სიტყვა და მტკიცე ნაბიჯით გასწია თავის ადგილისაკენ. მას უხაროდა, რომ მშრომელთა ქვეყნისთვის ისიც ზრუნავდა.

როდესაც სიტყვა მემანქანემ აიღო, სწორედ მაშინ ოთახის კარი შემოიღო და ბრწყინვალე, სირბილისაგან გაწითლებული სახე შემონათდა. ყველამ უნებლიეთ მისკენ მიიხედა.

— ახალი ამბავი, ახალი... წარმოსთქვა მან და ცალი ხელი, რომელიც ალტაცების ნიშნად მაღლა ასწია, ჰაერშივე გაუჩერდა.

ის თვალეზი, რომელიც მას დაჟინებით შესცქეროდენ, უსიტყვოდ ეკითხებოდენ:

— რა მოხდა?! რა არის?!.

— აი, ამხანაგებო სულ რაღაც ხუთმეტი წუთის წინად ტეხნიკი საღარაძე დაატუსაღეს. მას ბრალი ედება სახელმწიფო ქონებისადმი შეგნებულად გულგრილად მოპყრობაში...

ამ მოკლეს, მაგრამ მეტად საგულისხმო ცნობას ყველამ ალტაცებით მოუსმინა. თითქოს თვითეული მათგანი ამაღლდა, გაიზარდა, სახეებზე სიხარულის ელფერი გადაეკრა, გულში კი კმაყოფილების გრძნობა.

— ამხანაგებო!.. — გაისმა თავმჯდომარის მკვეთრი ხმა, სხდომას დახურულად ვაცხადებ, ჩვენი მტრების კვალი მათივე ბუნაგისაკენ უკვე მიგნებულია!..

ოთახი ნელინელ დაიცალა. დარჩა ტიტველი კედლები და არეულად დატოვებული სკამები.

გარეთ კი უკვე საყვირის ხმა მოედო გარემოს, სახელოსნოებიდან კი გამოდიოდენ მეორე ცვლის შრომაში გაჯანსაღებული მუშნები.

მოდიოდა ბინდიც უფერული და ჩუმი ჰაეროვანი ბადით.

XI

მეორე დღეს მთელ რკინის გზას მოედო დატუსაღების ამბავი. აღშფოთებული მუშნები გინებითა და ლანძღვით იხსენებდენ მას და ხშირად კამათიც იმართებოდა, რადგან იყვნენ ისეთებიც, რომელნიც მუშაობდენ არა იმისთვის, რომ ქვეყნის აღმშენებლობისათვის ხელი შეეწყოთ, არამედ გასამრჯელო მიეღოთ და ეცხოვრათ, ეარსებნად.

დათიამ კარგათ მოიგონა ვინც იყო საღარაძე. მას ყოველთვის ეჭვი ეპარებოდა მასში. მაგრამ არ აგონდებოდა სად შეხვდა და რა პირობებში. სხდომიდან რომ გამოვიდა გზაზე სულ მასზე ფიქრობდა. შინაც გუნებიდან არ მოშორდა. მთელი ღამე თვალწინ ედგა მისი მოკაუჭებული ცხვირი და სისხლით ავსებული თვალეზი.



გერმანიის ფესხაცმელების წარმოებებში გაფიცვები მწვავედება, რომელსაც ვერაფერი ვერ „უშველეს“ სოციალ-დემოკრატებმა.

სურათზე — გაფიცულ ახალგაზრდა მუშების მიერ დაყენებული პიკეტები ფესხაცმელის ფაბრიკა „ბონიფას“ ალყადის კარებთან — ბერლინში.

რიჟრაუზე, როდესაც ჯერ კიდევ საყვირიც კი არ ახმაურებულყო დათია წამოდგა. კუთხეში მიდგმულ გაზეთ-გადაფარებულ პატარა მაგიდასთან მივიდა და შუა უჯრა გამოსწია.



უნგრეთის საპატიმროებში პოლიტ-პატიმრების მიერ გამოცხადებული სიმშვილობასთან დაკავშირებით ვაშინგტონში (ჩრდ. ამ. შეერთებული შტატები) უნგრეთის საკონსულოს წინ ახლო წარსულში უდიდესი დემონსტრაცია მოაწყვეს ანტიფაშისტურმა ლიგამ და შრომის საერთაშორისო დაცვამ. დემონსტრანტები მოითხოვდენ უნგრეთის ყველა პოლიტ-პატიმრების განთავისუფლებას.


გადმოიღო ქაღალდები, ნახევები და ნაგლეჯები და მეტის მეტი სიჩქარით გადაავლო თვალი.

ავტობიოგრაფია მოხკდა თითებში და დააცქერდა. გადაიკითხა:



კანტონის კომუნის დღეებში. შეიარაღებული კომუნარები კანტონის ქუჩებში.

..... ავსტრიიდან დაებრუნდი და ჩემს სოფელს მივაშურე. იქ კი ცოცხალი არავინ დამიხვდა. წამოველი ქალაქში სამუშაოს საძებნელად. მალე რკინის გზაზე მეისრედ მოვეწყე. ეს იყო მენშევიკების პერიოდში. მალე ბოლშევიკურ ორგანიზაციის წევრებს გავეცანი და გავუმელავე ჩემი სურვილი. მათთან მუშაობაში ჩავები. რამდენიმე თვის შემდეგ დამიჭირეს და მეტეხში მომათავსეს. მე მახსოვს ავი კაცი გვყავდა ზედამხედველად. ის ახალგაზრდა იყო, მაგრამ იმდენად ბოროტი და ბრიყვი, რომ მის გამო ბარე ათჯერ ვმჯდარვარ კარცერში. ბოლშევიკების გაგონება მას ბრაზსა ჰგვრიდა და ცეცხლივით, ენთებოდა. თვალები სისხლივით უწითლდებოდა... „თვალები სისხლივით უწითლდებოდა“... როგორც რამით გაბრუებულმა გაიმეორა ეს სიტყვები და თითქოს თანდათან გამოერკვა.



მექსიკაში მომხდარი აჯანყების ხელმძღვანელის დახვრეტა.

— ისიც სომ ქართველი იყო, ახალგაზრდა... გვარი?.. შეეკითხა თავისთავს და იმავე წუთში თვითონვე გასცა პასუხი: „გვარი გამოუცვლია“...

ჯერ ტანში გასწორდა, შემდეგ ფანქარს დაავლო ხელი და ქაღალდზე აათამაშა.

„ახალი მასალა მოქ. საღარაძის პიროვნების გამო-სარკვევად“.

დასწერა წერილი, კონვერტში ჩადო და სამუშაოსკენ გასწია. სახელოსნოში რომ მივიდა, მუშები სამუშაოს დაწყებამდე კარებთან მასლაათობდნენ.

დათიას მისვლა არავისთვის შეუმჩნეველი არ დარჩა. თავისი შრომისმოყვარეობით და გარჯით ყველას შეაყვარა თავი და უყვარდით კიდევ მასთან საუბარი. ისიც ერთ-ერთ ჯგუფში შეერია და როგორც მოწინავე ამხანაგ ელაპარაკებოდა სხვადასხვა საკითხებზე.

ამ დროს გაზეთებიც მოიტანეს. მუშები წამოცვივდნენ და ამტყდარ ღრიანცელში დაირიგეს.

დათიამ გადაჰხედა გაზეთს და თვალი გაუჩერდა შემდეგ ცნობაზე:

„ავსტრიის მუშათა დელეგაცია კვირას იქნება ტფილისში“.

გადაიკითხა. გულში რაღაც უცნაური გრძნობა აუღვრდა. თვითონაც არ იცოდა რისთვის მიეწერა ეს. ინტერნაციონალური გრძნობის აძგერება იყო თუ რამე სხვა. შესვლის საყვირი აგუგუნდა.

ჩაფიქრებული, ჩაჩუმებული შევიდა სახელოსნოში და გადაჰხედა ბორბლებს, რომელიც დღეს უნდა გამოებრძმინა.

ცოტა ხნის შემდეგ ერთ მთლიან და ხალისიან ფერხულში ჩაება შრომა.

XII

კვირა დღე დადგა.

ტფილისის მუშათა უბნები დილიდანვე შეუდგა მზადებას უცხო სტუმრების შესახვერდად.

მთავარი სახელოსნოებიც დროშებითა და ლოზუნგებით მოერთოთ.

ავსტრიელი და ტფილისის მუშები ძმურად შეხვდებოდნენ ერთმანეთს და ხელს გაუწვდიან როგორც ერთი აზრითა და მიზნებით გამსჭვალულნი.

მატარებელი კი მოგუგუნებდა შორეულ გზიდან და ქართლის მწვეანე მთაგორაკებს იშლიდა წინ.

სადგურზე გამოვიდნენ მუშები ამ ორი ათასის წარმომადგენელნი და როდესაც ბაქანს მხნე ტანდილი ვაჟაკივით გაიზარდა და აიმაართა შავი ღრილა ორთქლმავალი, გამოჩნდა შორეული ქვეყნის მუშების სახეები. ისინი ღიმილში სცურავდნენ და სიხარულის ზვირთებში თრთოდნენ.

დათია, მოწინავე მუწა, ენერგიული სახით და ენერგიული ნაბიჯით წასდგა წინ.

— Saive!.. Saive!.. *) გადმოცვივდა რამდენიმე სიტყვა რონოდის საფეხურზე გადმომდგარ ახოვან კაცის. მას მოჰყვა მეორე, მესამე და ათამდე ჩასკვნილი, კუნთებმაგარი ადამიანი გადმოვიდა ძირს.

შეხვედრა იყო გულთბილი და მეგობრული. მთავრობის წარმომადგენელი მიეგებენ და წაიყვანეს სახელოსნოს წინ აზღვავებულ მუშებთან.

ტრიბუნაზე შედგა ერთი.

ლაპარაკობდა გერმანულად.

დააჯილდოვეს ტაშით.

მის აღტაცებით აღზნებულ თვალებში იხატებოდა შრომაში მეტროპოლითა სიყვარულის ნაპერწკლები.

მასსაში ვიღაც დაფათურდა. გააპო ხალხი და წინ წამოდგა. ის აქამდე უჩუმრად გაბრუებული იდგა და ორატორს უცქეროდა.

შემდეგ კი შესძახა:

— იუზეფ!..

ორატორმა გადმოხედა.

თვალი შეხვდა თვალს.

ორი მშრომელი მარჯვენა ერთმანეთს გაეწოდა და ხელი ხელს გადაეჭდო.

— ჩვენ ომში, ფოლადთა შორისაც და მშვიდობიანობის დროსაც ამხანაგები ვართ, — უთხრა დათიამ გერმანულად და აღტაცებულ მუშათა მასას გადაჰხედა.

მისალმება გათავდა.

მეორე დღეს დათია დელეგაციასთან ერთად დადიოდა და აჩვენებდა. თუ როგორ შენდება ზაჰესი სამიათასი მუშის მარჯვენით. როგორ აგებენ ქარხნებს, ფაბრიკებს, როგორ შენდება მშრომელთა საქართველო.

დასასრული

ელიზბარ პოლუმორდვინოვი.


ცხრა თვე ჩინეთის საპატიმროში

ქ. ხარბინის ერთ-ერთ გარეუბანში დაგვაპატიმრეს 1927 წ. ჩვენ გვიჯაშუშა იმ სახლის პატრონმა, სადაც ვიკრიბებოდით და კრებებს ვმართავდით. გაჩხრეკის დროს არავითარი მამხილებელი საბუთი ჩვენ არ ამოგვჩენია; მიუხედავად ამისა ყველანი სასწრაფოდ გადაგვაგზავნეს პოლიციის სამმართველოში.

მიგვიყვანეს, თუ არა პოლიციაში ჩვენ ყველანი ჩაგვყარეს ერთ პატარა ნესტიანსა და ბნელ სარდაფში. ეს საკანი ისე ბნელით მოცული იყო, რომ შეუძლებელი იყო კედლების გარჩევა კი. ამასვე დაუმატეთ ის გარემოება, რომ აქ სუფევდა საწინელი უსუფთაობა, ჭუჭყი და სიბინძურე. კედლებზე დაღოღავდნენ აურაცხელი მკბენარები, იქვე იდგა დასვრილი წყალი, რომელსაც სწამდნენ პატიმრები და საშინლად აყროლებული პარაშა. ჩვენი პატარა სარდაფის მოცულობა უდრიდა სულ რამდენიმე კვადრატულ მეტრს. კედლის გასწვრივ იყო ნარი, რომელზედაც მუხლებამდე ტალახი ეყარა. ჩვენ შევეცადეთ დაგვეთვალა საკანში უკვე ჩვენამდე მოქცეული პატიმრები. მაგრამ სიბნელის გამო ეს შეუძლებელი გახდა რამდენიმე ხნის შემდეგ ჩვენს საკანში შემოაგდეს ხუნდებით ხელფეხშეკრული, ათიოდე ჩინელი ახალგაზრდა.

პატარა სარკმელიდან, რომელიც გადიოდა პოლიციის სამმართველოს ტალახში, მოსჩანდა ვრცელი ეზო და რკინის ალაყაფის კარები, სადაც იდგნენ გაშეშებული, შავკრემანი დარაჯი; ცოტა იქით ჩვენი ახლობელი ამხანაგები და ნაცნობ-მეგობრები, რომლებიც ცდილობდნენ ეზოში შემოსვლას... საპატიმროს ერთგული დარაჯი ხვეწნა-მუდარის საპასუხოდ თუთიყუშით „პუსინ“ (არ შეიძლება) გაიძახოდა. ჩვენი ამხანაგები შემოუშვეს და მივიღეთ მათგან გადაცემები, რომლებშიაც ვიპოვეთ შეხვეული პა-

პიროსები. ვისარგებლეთ რა იმ გარემოებით, რომ მეციხოვნეებმა არ იცოდნენ რუსული ენა ჩვენ რამდენიმე ცნობ, მივაწვდინეთ თავისუფლებაში მყოფ ამხანაგებს. ამით ცოტა გულზე მოგვეშვა. ერთ საათში ჩვენ უკვე მხიარულად




თეთრი ტერორი ჩინეთში.

*) სალამი!.. სალამი!..


ვისხედით, ვაკეთებდით პურის ქაღალკს, ვთამაშობდით და თავს ვირთობდით.

ორი დღის შემდეგ პროკურორის განკარგულებით, როგორც კომუნისტური იდეების პროპაგანდისტები, საპატიმროში გადაგვიყვანეს სპეციალური ეტლით, რომელშიაც ება ორი მოზრდილი ცხენი, მიგვაქროლებდა ქვაფე-



საპატიმროში მოთავსებული პოლიტ-პატიმარი ხის ხუნდებში (სამხრეთ-ამერიკა).

ნილებზე. რამდენიმე ხნის შემდეგ ჩვენ შეეჩერდით დაბალი ქვის შენობის წინ, სადაც ეკიდა პატარა აბრა წარწერით „ს ა პ ა ტ ი მ რ ო“. დაიწყო მოსაბეზრებელი და საშინელი პროცედურა — გაჩხრეკა, დარაჯის განყოფილებაში. სრულიად გაგვაშიშვლეს, ფეხსაცმელებს ააძვრეს ლანჩები, დაკვირვებით ათვალიერებდნენ სარდაფებს, ასე გაშინჯეთ ტანისამოსის ყოველ ნაოქსაც კი ჩხრეკდნენ. გაჩხრეკის დამთავრების შემდეგ ჩვენ გაგვიყვანეს კანტორაში რეგისტრაციაში გასათარებლად, აქედან წავგიყვანეს, გაგვყვეს ორ-ნაწილად და მოგვათავსეს საკნებში.



ამერიკის საპატიმროში ცალკე საკანი.

ეს საპატიმრო — საკატორლო იყო. აქ მეტად მკაცრი რეჟიმი სუფევდა. საპატიმროს ეზოში ყველა კორპუსებიდან რკინის ხუნდების ჩხარუნი მოისმოდა. აქ ყველა პატიმრები ბორკილებში იხსდნენ.

ამ საპატიმროში დამკვიდრებული უსაშინელესი რეჟიმი შემოღებული იყო მთელს მონღოლეთში თავისი სიმკაცრათ სახელგანთქმული, თეთრგვარდიელთა ბანდების მეთაურის ბარონ უნგერის თანაშემწის მიერ.

ძნელი იყო საკანში ცხოვრება. აქ აკრძალული იყო ჟურნალ-გაზეთები, წიგნები, თუთუნის და სხვა, რაც ადამიანისთვის წარმოადგენს პირველ მოთხოვნილების საგანს. არ გაგვაჩნდა ნემსიც კი — რომლითაც შესაძლო იყო გამოხეული ტანისამოსის ამოკერვა. სურსათისათვის გვეძლეოდა ხარბინის 13 ცენტი, რომელიც ჩვენს ფულზე უდრის 7-8 კაპეიკს. სადილად ჩვენ გვეძლეოდა დამპალი ბრინჯის სუფი, ან ჩინურ სალათის (2-3 ფოთოლი 5 კაცის კერძში) ბორში, ცოტა კარტოფილი და 5 გრამი ხორცი, რომელიც რეზინის ნაჭერს უფრო წააგავდა. ასეთი სადილის შესახებ ჩვენთან მასხრობდნენ: „ერთი კოვზი პირისკენ — ორი უკან“-ო.

საპატიმროში ჩვენ დაგვირიგეს დახეულ-დაკონკილი ტანსაცმელი. ეს ჩხრეები ჩვენ დაგვირიგა ყოფილმა თეთრგვარდიელმა, კორნილოვის ყინულოვანი გალაშქრების გმირმა, რომელსაც რუსეთში დამარცხების შემდეგ აქ ეპოვა მყუდრო ბინა და, რომელსაც ყველა ჩვენთანგანი ქირით სძულდა.

ზედამხედველთა მთელი შემადგენლობა ასეთივე იყო. ვინ გინდოდათ, რომ აქ არ გენახათ. პროფესიონალური მეციხოვნე 25 წ. სტაჟით, ჩვენებური კორნილოველი, ყველა ჯურის ატამანებისა და ბანდების ხელმძღვანელები და ჩინეთის პროლეტარიატის სისხლით გასუქებული ჯალათები — ნეჩაეველები და საროსკიპო სახლების მეპატრონეებიც კი. ამ ნაძირალებს აქ შეუქმნიათ ისეთი მძიმე რეჟიმი, რომელიც შეეხარებოდა საშუალო საუკუნის მეციხოვნეებსაც კი.

ეს კიდევ ცოტაა. საპატიმროში გამეფებული იყო ჯაშუშობა, დაბეზლება და ათასგვარი გაიძვერობა. არც ერთი ჩვენთანგანი არ იყო დარწმუნებული იმაში, რომ არ მოგვიწყობდნენ რაიმე პროვოკაციას და კიდევ უფრო უარეს დღეში არ ჩავვაგდებდნენ.

ყველა საკანში იჯდა თითო ოროლა ჯაშუშში, რომლებსაც დაბეჯითებით მიჰქონდათ საპატიმროს ადმინისტრაციასთან ის ცნობები რისი გაგებასაც ისინი მოახერხებდნენ პატიმრებისაგან. საკმარისი იყო ჩვენთან აღმოჩენილიყო ათიოდე პაპიროსი, ან „არალეგალური“ ნემსი, იმ წამსვე დაიწყებოდა დაუსრულებელი ჩხრეკა, გამოცდილი ზედამხედველი მართლაც კპოულობდა ამ აკრძალულ ნივთს სადმე ჭუჭრუტანაში. საკანში დიდი სიფრთხილე გვეკრებოდა. ჩვენ ირგვლივ გვერტყა ბანდიტები, ქურბაცაცები და ათასგვარი საეჭვო პირები. ამათგან ირჩევდნენ ზედამხედველებს. ყველაზე უსაშინელესი ამათგან იყო, ვილაც საპაილო, ეს იყო საზიზღარი შესახედავი ადა-

მიანი, რომლის სახელი ჰქუხდა ოდესღაც ზაბაიკალის ოლქსა და მთელს მონღოლეთში. ვინ იცის, ვინ მოსთელის, თუ რამდენი პარტიზანელი გლეხი დაუხვრეტია მას! აქ ის ასრულებდა საპატიმროს ბიზგამგისა და ეკლესიის მნათეს მოვალეობას. მისი ეშინოდათ, როგორც პატიმრებს, ისე ზედამხედველებსაც. ის იყო ერთგული და გამგონე ქოფაქი საპატიმროს ადმინისტრაციისა. ამიტომ იყო, რომ საპატიმროს ადმინისტრაცია მას ყველაზე უფრო მეტი ნდობით უყურებდა.

ჩვენი საერთო საკანი ყველაზე უფარგისი იყო. ის სავესე იყო პატიმრებით. ვის არ შეხვდებოდით აქ. ერთი კუთხიდან მეორემდე ნელი ნაბიჯით განუწყვეტლივ დადიოდა ცილაც საშინელი შესახედავი კაცი, აქვე იყო ვენერიული სნეულებით შეპყრობილი; ნარების ქვეშ იჯდა შეშლილი მუსიკოსი; ეს კაცი ჩინეთის ხელისუფლებამ გადმოიყვანა აქ შეშლილთა სახლიდან. ის შეპყრობილი იყო გაქცევის მანიით. როცა ყველანი დაიძინებდნენ ის გამოძვრებოდა ნარდან, ეცემოდა ფანჯარას, დაუწყებდა მტვრევას რკინის ხარხებს და ვითომ გაქცევის აპირებდა. მის ხმაურობაზე იღვიძებდნენ პატიმრები და ყველანი ურტყამდნენ მას. სისხლის სამართლის დამნაშავენი ამ საბრალო მუსიკოსის ცემის შემდეგ ისევ მიეგდებოდნენ ნარებზე.

ასეთ პირობებში გვიხდებოდა ცხოვრება.

თვენახევრის შემდეგ, როცა ჩვენს საკანში თავი მოიყარა 17-დე პოლიტიკურმა, მოგვცეს ცალკე განყოფილება. ამ ახალ საკანში ჩვენ შეეჭმენით ასე, თუ ისე გვარია-ნი პირობები. საპატიმროს ბიბლიოთეკაში, რომელიც სანაგვე ყუთს უფრო წააგავდა, ჩვენ ამოვარჩიეთ რამდენიმე ასე თუ ისე სასარგებლო წიგნი.

აღმზრდელით მუშაობის ჩასატარებლად და საპატიმროს გარეთ დარჩენილებთან კავშირის დასამყარებლათ ჩვენ ავირჩიეთ სამეფული.

აღმოჩენილმა ლიტერატურამ და მცოდნე ამხანაგებმა ჩვენ მოგვცა საშუალება ჩამოგვეყალიბებია პოლიტ-ეკონომიის წრე, რომელიც მთელი იქ ყოფნის განმავლობაში სისტემატურად აწარმოებდა მუშაობას.

ჩვენ ვმეცადინეობდით აგრეთვე მათემატიკაში, რუსულსა და სხვა საგნებში. ამავე დროს არც თავის გართობასაც ვივიწყებდით. პურისაგან ჩვენ გავაკეთეთ ჭადრაკის ქვები, მოვამზადეთ დაფა. ასე ვირთობდით თავს და პატიმრობის ხანგრძლივ მძიმე საათებს ვანდომებდით ერთიმეორესთან შეჯიბრებაში.


ჩვენ ძალიან ვცდილობდით, რითიმე აღგვენიშნა რევოლიუციონური დღესასწაულები. ამას ჩვენ ყოველთვის ვახერხებდით. მაგალითად ოქტომბრის რევოლიუციის ათი წლის თავის აღსანიშნავად ჩვენ დემონსტრაციაც კი მოვაწყვეთ. ეს გამოიხატა იმაში, რომ არც ერთი ჩვენთაგანი იმ დღეს სამუშაოთ არ გავიდა. მართალია ჩვენ ამის შემდეგ დავკარგეთ ყველაფერი ის, რითაც დრო გამოშვებით ხელს გვიწყობდა ადმინისტრაცია. ამ განხეთქილებას ჩვენ ვუწოდეთ „საოქტომბრო განხეთქილება“.

არ გაუვლია დიდ ხანს, ყველაფერი ძველ კალაპოტში ჩადგა. ჩვენ დავიბრუნეთ ყველა დაკარგული უფლებები. თუ პრივილეგიები. კიდევ მეტი. მოვისყიდეთ ზედამხედველები, ისინი დავქრთამეთ და ამის შემდეგ საკნიდან



რუმინეთის სიგურიანცის მიერ დაპატიმრებული რუმინელი გლეხები; გარდაიცვალენ საპატიმროში აუტანელი ცემისაგან.

გვიშვებდნენ მნახველებთან სალაპარაკოთ. მაგრამ ეს ბედნიერება დიდხანს არ გაგრძელდა. ჩვენ გაგვცა ერთმა სისხლის სამართლის დამნაშავემ და... „იანვრის განხეთქილებას“ უფრო მწვავე შედეგები მოჰყვა ჩვენთვის.



სოფიაში „52“-ის პროცესზე მთავარი ბრალდებულები. მარცხნიდან მარჯვნივ: იონკო პანოვი და მლადენ სტოიანოვი.

9 თვის შემდეგ საპატიმროს კარები გაიღო და ჩვენ ისევ თავისუფლებაში ამოვყავით თავი. 3 თვის განმავლობაში ვიყავით პოლიციის სასტიკი ზედამხედველობის ქვეშ და ამის შემდეგ კი უკვე შევუდექით დაწყებულ ბრძოლას, რომელიც ისევ შეუბრალებელმა მეციხოვნეებმა შეგვაწყვეტიეს...

არკ. სიდოროვი.

რ ე მ ე ღ ა ს

„კომუნისტებისათვის სამუშაო არ არის“

ფრანგი ფაბრიკანტები და მექარხნეები ყოველთვის ცდილობდნენ, რომ მათ წარმოებაში ადგილი არა „ქონო-და „არასაიმი ელემენტებს“. ეხლა კი — კლასთა შორის ბრძოლის გამწვავებასთან დაკავშირებით იმათ უფრო გააძლიერეს საწინააღმდეგო ზომები. ისინი გაცი-



დაპატიმრებული მუშები პოლიციის სამართველოში.

ლებით უფრო ფრთხილობენ: მუშა-კომუნისტი, კომკავშირელი, რევოლუციონური პროფკავშირის წევრს და რემედასელს იმედი არ უნდა ჰქონდეს იმისა, რომ ის მიიღებს სამუშაოს, თუ კი ისინი ვერ მოახრებენ ამ ორგანიზაციების წევრობის დამალვას.

ყველა მწარმოებლები აწვდიან ერთი მეორეს ცნობებს დათხოვნილი მუშების შესახებ. ხშირად ქარხნის კანტორაში გაიგონებთ ასეთ საუბარს:

— თქვენ ეძებთ სამუშაოს არა? — ძალიან კარგი!

სამუშაოს მძებნელის უკანასკნელ ხანებში სამსახურის ადგილიდან გაცემული მოწმობის გადაშინჯვის შემდეგ პირადი შემადგენლობის მაგიდის უფროსი აცხადებს:



ქარხნიდან გაძევებული მუშები გროვდებიან მიტინგზე.

— წემოიარეთ ხეარ... ან, შეგატყობინებენ...

დაუყოვნებლივ იწყებს მუშაობას ტელეფონი. თუ კი — ფრთხილი გამოკითხვის და გამოკვლევის შემდეგ გამოირკვევა, რომ სამუშაოს მძებნელი „საშიშარი აგიტატორია“ სამუშაოს მიღების იმედები სამუდამოთ გაცრუებული იქნება. ერთი სიტყვით: კომუნისტისათვის სამუშაო არ არის“.

ყოველგვარ საშუალებებს მიმართავენ არალეგალურ „უჯრედის“ ამოსაჩენად.

მე კარგათ მახსოვს. საქარხნო უჯრედების დაარსებისა და ჩამოყალიბების პირველ ხანებში ქარხნის მეპატრონეები ვერ ბედავდნენ კომუნისტების დათხოვნას, თუ კი ისინი კარგად, კეთილსინდისიერათ მუშაობდნენ და საქმის მცოდნეები იყვნენ. უკანასკნელ ხანებში იმათ უმოწყალოთ ერეკებიან წარმოებიდან. ეხლა კი, ვიზედაც ექვს მიიტანენ. მაშინათვე ითხოვენ სამუშაოდან, ხშირად ეს ხდება პროვოკაციული საშუალებებით, როგორიცაა მაგალითად ხელფასის თანდათანობით დაკლება და სხვა.

დიდ ქარხნებში კი — როგორიცაა მაგალითად, საავტომობილო ქარხანა სიტორენ — არსებობს სპეციალური განყოფილება, სადაც ყოველი ახლად მოსული მუშა ვალდებულია გადაიღოს სურათი, აქვე იღებენ მათი ხელის ანაბეჭდებს და ადგენენ მათ დეტალურ ანკეტას. პოლიცია ხშირად მიმართავს ქარხნის ადმინისტრაციას ამა თუ იმ ცნობის მისაღებათ, რათა „სწორად“ შეადგინონ რევოლუციონერ მუშების სია. ეს ანკეტებიც სწორედ ამ დანიშნულებისათვის არის გამოგონილი.

თუ საექვო მუშა მოხვდა ქარხანაში, მისი გზა საპატიმროსაკენაა. თუ მასზე რაიმე რევოლუციონური „ცოდვები ირიცხება“ მას გვერდით ამოუყენებენ ჯაშუსს. ის ამ უკანასკნელს განკარგულებიაშია. ეს ჯაშუსი კი უშუალოდ დაკავშირებულია ქარხნის დირექციასთან.

აქვე უნდა დავსძინო, რომ უდიდეს ქარხნებში არსებობს აგრეთვე სპეციალური პოლიციის ჯაშუსთა ჯგუფი.

მაგალითად: ავგვისტოს წინა დღეებში პარტიამ წარმოებაში დავალებით გაგზავნა ერთი ქალი. რამდენიმე ხნის შემდეგ ის აღმოაჩინეს ჯაშუსებმა.

მუშაობიდან გამოუძახეს მას. დამჭირავებელ ბიუროში გაუსწორეს ანგარიში. იქვე აღმოჩნდა პოლიციის ოთხი ინსპექტორი, რომლებმაც ჩუმად დააპატიმრეს ის და რომ ეს ამბავი არ გაეგოთ სხვა მუშებს, სასწრაფოთ წაიყვანეს ქარხნის ავტომობილით.

მწარმოებლებისათვის არც თუ ისე ადვილი საქმეა უჯრედის აღმოჩენა, ამიტომ ისინი არ ერიდებიან არავითარ ზომებს მათ აღმოსაჩენად.

ისინი წარმოებებში მუშაობის დაწყების შემდეგ ჯიბეებს უშინჯავენ მუშებს, რათა აღმოუჩინონ მათ კომუნისტური გაზეთი, ან რომელიმე რევოლუციონური ორგანიზაციის საწევრო ბილეთი. ისინი აწყობენ ათასგვარ პროვოკაციებს, რათა ადვილათ გამოარკვიონ რევოლუ-

რევოლუციონურად განწყობილი მუშები და დაითხოვეს სამსახურიდან. ისინი დავალებებით აგზავნიან ჯანუშებს ქარხნის უჯრედებში. ქარხნის ადმინისტრაცია ცდილობს მოისყიდოს უჯრედის მდივანი, ან უჯრედის გავლენიანი პირები.

პოლიცია ქარხნის პატრონის სრულ განკარგულებაშია. გაფიცვების დროს მესაკუთრეთა ინტერესების დასაცავად მოქმედებენ პოლიციელები. ისინი აპატიმრებენ არაღელვარულ ლიტერატურის გამცემელებსა და ორატორებს, რომლებიც სიტყვებით გამოდიან ქარხნის კარებთან.

ყოველდღიური შევიწროებით, დევნით და დამცირებით საფრანგეთის პროლეტარიატი მტკიცდება და ძლიერდება მომავალ ბრძოლების გასაჩაღებლად. იმათ კარგად ესმით კომპარტიის ასეთი დევნის მიზეზები. მათ კარგად იციან, თუ რატომ ებრძვის ბურჟუაზია კომუნისტურ პარტიას, რომელიც იბრძვის ახალ იმპერიალისტური ომის საშადისის წინააღმდეგ და, საბჭოთა კავშირის, ამ საერთაშორისო პროლეტარიატის ერთადერთ სამშობლოს დასაცავად.

მ. სუპო.

ვამტკიცებთ ინტერნაციონალურ კავშირს


ახალგაზრდობის ერთადერთ მძლავრ და კლასობრივ ბრძოლაში გამობრძმედილ ორგანიზაციას გერმანიაში წარმოადგენს კომკავშირი. მაგრამ ის თავის წევრთა რაოდენობით მაინც ვერ უთანასწორდება „სოციალისტურ-მუშა-ახალგაზრდობის კავშირს“. ამ ორგანიზაციების გარდა გერმანიაში არსებობს აგრეთვე რამოდენიმე ათეული ფაშისტური და ბურჟუაზიულ ახალგაზრდობის გაერთიანებანი. ამ უკანასკნელთა შორის ყველაზე ძლიერია „ახალგაზრდობის ბისმარკის სახელობის პოლიტიკური კავშირი“.

1919 წ. ნოემბრის რევოლუციამ სრულიად არ გააუმჯობესა მუშა-ახალგაზრდობის მდგომარეობა. განვლილ 10 წლის განმავლობაში ჩვენ ვერაფერს ვერ მივაღწიეთ და, პირიქით, ჩვენი ეკონომიური მდგომარეობა უფრო გაუარესდა. სოციალ-დემოკრატები და ფაშისტები, ეკლესიასთან და კაპიტალთან შეკავშირებით, გაშმაგებით ეწევიან მშრომელ ახალგაზრდობის ექსპლოატაციას.

პარლამენტში ისინი წარმოადგენენ ე. წ. მთავრობის კოალიციას, მთავრობაში მათ ყავთ უმრავლესობა; ამიტომ ისინი სცემენ ისეთ ახალ-ახალ დეკრეტებს, რომელიც უფრო აფართოებენ მესაკუთრეთა უფლებებს და ხელს უწყობენ სხვისი შრომის გამოყენებას. საექსპლოატაციო ობიექტს წარმოადგენენ ე. წ. „შეგირდები“. ისინი სავსებით დამოკიდებულნი არიან თავიანთ დამჭირავებლებისაგან. მათთვის არ არსებობს 8 საათის სამუშაო დღე. მათი სამუშაო დღე უდრის 12-15 საათს, ხელფასი კი — 2-3 ფენინგს დღეში. შეგირდთა მუშაობა მიმდინარეობს უხეში ზედამხედველობის ქვეშ; 3-4 წლის მძიმე ექსპლოატაციის შემდეგ თავდება მათი სწავლება, რის შემდეგ მცირე ნაწილი რჩება იმავე წარმოებაში, უმრავლესობა კი უერთდება უმუშევართა მრავალ მილიონიან არმიას.

რეფორმისტული კავშირები არავითარ ზომებს არ ღებულობენ შეგირდთა შრომის პირობების გასაუმჯობესებლად, პირიქით, ისინი ცდილობენ, რაც შეიძლება შეზღუდონ მათი უფლებები. მეტწილად და მშრომელ ახალგაზრდობის ინტერესების დამცველია კომპარტია, კომკავშირი და იუნგმტურმი. მათ მუშაობას ყველგან იცნობენ:

ფაბრიკა-ქარხნებში, გლეხობაში და გლეხურ ახალგაზრდობაში. კომკავშირს ყავს მტკიცე დასაყრდენი — მუშურ-გლეხური ახალგაზრდობა, რომელიც საჭიროებისამებრ მედგრად გამოდის კაპიტალთან საბრძოლველად.



ქუჩა ქ. იოჰანესბურგში (სამხრეთ-აფრიკა), სადაც ახლო წარსულში ადგილი ჰქონდა ადგილობრივ მკვიდრთა უდიდეს მღელვარებას.

საგადარჩევო კამპანიებში ჩვენ ვღებულობთ აქტიურ მონაწილეობას; ვადგენთ აგიტ-ჯგუფებს, რომლებიც აცნობენ მოსახლეობას საგადარჩევო კამპანიის მნიშვნელობას, სხვადასხვა პოლიტიკურ პარტიების პროგრამას და სხვა. ყველაფერი ეს ხდება მეტად მძიმე პირობებში, რადგან პოლიცია დიდ სიფრთხილეს იჩენს და ყოველგვარ ჩვენ საქმიანობას თვალყურს ადევნებს. მუშაობის საწარმოებლად ჩვენ არ გავვაჩნია ბინები. მოლაპარაკებას ერთმანეთთან და ცნობათა მიღებას ვაწარმოებთ კაფეებსა და რესტორნებში.

ლეიპციგში ასეთი მუშაობის საწარმოებლად კომპარტიის განკარგულებაში არის 30 მეტი სასაბუღალტრო. საგადარჩევო კამპანიის პერიოდში ეს სასაბუღალტროები ივსება

რევოლუციონერებით, მუშაობა სწარმოებს ფრთხილად, რომ აცდენილი იქნას პოლიციის თავდასხმა, მაგრამ ყოველთვის ეს ვერ ხერხდება. ამის დასამტკიცებლად მოვიყვან შემდეგ ფაქტს.



ამხ. ფრედ ბილ

ერთ-ერთი ბრალდებულთაგანი გასტონში მომხდარი ამბების გამო. ა.ხ. ბილ დროებით განთავისუფლებულია სააპელიაციო სასამართლოში საქმის გარჩევამდე. სურათზე—შეხვედრა ბილთან ბოსტონში.

არჩევნების ერთი დღის წინ, 11 მაისს, დილის 4 საათზე, ქ. ლეიპციგში მოხდა პოლიციის თავდასხმა ჩვენს ბინაზე. პოლიციელებმა დააპატიმრეს 23 საუკეთესო რევოლუციონერი და თავგამოდებული მუშაკები. მაგრამ

ჩვენ ასეთი რეპრესიის საპასუხოდ უფრო გავაძლიერეთ მუშაობა და შევეცადეთ მუშურ-ახალგაზრდობის ახალ კადრების ჩაბმას ჩვენს რიგებში. პოლიცია კი თავის მხრივ უფრო აღრმავებს რეპრესიებს და მიაღწია იმას, რომ მოსპობილ იქნა წითელ ფრონტელთა რევოლუციონური კავშირი.

კომკავშირი მედგრად იცავს ახალგაზრდობის კომუნისტური ინტერნაც. მეექვსე კონგრესის დადგენილებებს. ის გააფთრებით ებრძვის ყოველგვარ გადახრებს კომკავშირის შიგნით. ამ ხაზით ჩვენ ჩავატარეთ სერიოზული მუშაობა, რომლის დროს ფარდას ვხდით მემარჯვენე და „მემარცხენე“ ოპორტუნისტთა ზრახვებს. იმ გზას, რომლითაც მიდიოდნენ ლენინი, ლიბკნეხტი და ლიუქსენბურგი, ჩვენ ერთგულად მიყვებით. მათი იდეა — შეურიგებელი და მედგარი ბრძოლა კლასიურ მტრებთან — ტარდება შეურყევლად გერმანიის კომპარტიის და კომკავშირის მიერ.

მიუხედავად პოლიციის სისხლის მღვრელი ტერორისა, ფაშისტების მიერ მუშების მხეცურად დახოცვისა და ციხით და გადასახლებით ჩვენი დაშინებისა, ჩვენ უფრო შევამჭიდროვეთ საკუთარ რიგებს, უფრო მედგრად შეუტევთ მტრებს და უპასუხებთ მათ მასიურ პროლეტარულ ტორირით.

გაუმარჯოს საბჭოთა კავშირს!

გაუმარჯოს გერმანიის წითელ ოქტომბერს!

რორლაპერი.

რემედუსი სოციალდემოკრატული

მეტი ყურადღება თვითკრიტიკის ფართედ გაშლას ჩვენში

თვითკრიტიკა ერთად-ერთი საშუალებაა ყველა იმ ნაკლთა და დაუდევრობათა აღმოსაფხვრელად, რომელიც შემჩნეული იქნება ამა, თუ იმ ორგანიზაციაში. თვითკრიტიკის ფართედ გამოსაყენებლათ მუშაობენ ყველა ორგანიზაციები. მისი სწორად გატარება დამოკიდებულია, იმაზე, თუ რამდენად ჩავაბამთ ჩვენ ძირითად ორგანიზაციებს და მასში გაერთიანებულ ამხანაგებს.

როგორც სხვა დანარჩენი ორგანიზაციები, ისე რემედუსის ორგანიზაციებმაც უნდა მიიღონ ამ საქმეში მხურვალე მონაწილეობა. ყველასათვის ცხადია ის გარემოება, რომ რემედუსი ამ 6-7 წლის განმავლობაში აქტიურად ჩაება სოციალისტური მშენებლობასა და იმ კამპანიებში, რომელსაც ატარებს კომუნისტური პარტია. ამას ამტკი-

ცებს ის გარემოება, რომ უკანასკნელად რემედუსის ორგანიზაციებმა მხურვალე მონაწილეობა მიიღეს საბჭოების გადარჩევის კამპანიის ნაყოფიერად ჩატარებაში.

რემედუსის ორგანიზაცია დღითი-დღე მტკიცდება და ძლიერდება; ის იზრდება, როგორც რიცხოვნობით, ისე თვისობრივად. რემედუსის არსებობის მციდერი ხნის განმავლობაში ჩვენ ვხედავთ მრავალ მიღწევებს. რემედუსი უკვე გახდა ავტორიტეტული ორგანიზაცია. ამას ამტკიცებს ის ფაქტი, რომ რემედუსში გაერთიანებულია უპარტიო მასის 70 — 75% და რემედუსის მუშაობასთან ერთად ის ჩაბმულია ქვეყნის სოციალისტურ მშენებლობის საქმეში.

უნდა აღინიშნოს, რომ თვითკრიტიკის ფართოდ გამოსაყენებლად ბევრი არაფერი გაუკეთებია რემედასის ორგანიზაციებს; ამ საკითხის გასაშუქებლად დაიწერა ჩვენს ჟურნალში ორი, თუ სამი წერილი; ისიც ხელმძღვანელ ორგანოების მიერ. ეს იმას არ ნიშნავს, რომ ამ დარგში თვალსაჩინო მიღწევები გვაქვს. ყოველგვარ ნაკლსა და მანებლობას, რომელსაც ადგილი ექნება ჩვენს ქვეყანაში, ყურადღებას უნდა აქცევდნენ რემედასის წევრები.

საჭიროა რამოდენიმე სიტყვით აღვნიშნოთ, თუ რა ხდება რემედასის ორგანიზაციებში და, როგორ არის გამოყენებული თვითკრიტიკა. არავის შეუძლია იმის თქმა, რომ ჩვენს ორგანიზაციებში თითქმის ადგილი არ ჰქონდეს ნაკლს, ბიუროკრატობას. დავალიანებათა დაგროვებას, და რემედასის მუშაობისადმი გულცივად მოპყრობას. ხშირად ჩვენი ორგანიზაცია დაშლის პროცესზეა მისული. ამას არავინ არ აქცევს ყურადღებას. თუ საქმეში სამაზრო, ან ცენტრალური კომიტეტი არ ჩაერია. ადგილებზე მომუშავე ამხანაგები ამ ნაკლთა გამოსასწორებლად თავს არ იწუხებენ. აქვე უნდა აღვნიშნოთ, რომ ჩვენი სტატისტიკური ფორმები არ იყო გამოსადეგი და ხელმისაწვდომი ძირითადი ორგანიზაციისათვის, მაგრამ ამისთვის არავის არ მიუქცევია ყურადღება, სანამ ისევ ზემდგომ ორგანოებმა არ გამოსასწორეს ეს ნაკლი. *)

ავიღოთ ჩვენი ძირითადი საკითხი. აქვს თუ არა ადგილი ჩვენს ორგანიზაციაში, ორგანიზაციის სტრუქტურის უხეშად დარღვევას, რაც ხელს უშლის ჩვენს ნაყოფიერ მუშაობას. ადგილი აქვს უჯრედის უჯრედთან ჩამოყალიბებას და სხვა. მაგალითად, დარჩელის თემში (ზუგდიდის მაზრა) რემედასის სამ-დღიურის ჩატარებას ადგილობრივი პასუხისმგებელი ამხანაგები ხელს უშლიდნენ. ამ გარემოებას ყურადღება მიაქცია ჩვენმა რედაქციამ და ჟურნალ „რემედასი“-ს № 9 მოთავსდა ვინმე „მოწმის“ წერილი.

თუ სადმე რაიმე ნაკოს ექცევა ყურადღება, მასში მთლიანად და უშუალოდ მასა არ ღებულობს მონაწილეობას. ამას უნდა მიეჭკეს ყურადღება და ის ერთხელ და სამუდამოთ უნდა გამოვასწოროთ.

საკითხავია, როგორ ასრულებენ რემედასის ხელმძღვანელად არჩეული ამხანაგები თავიანთ მოვალეობას? აქვე უნდა აღინიშნოს სარევიზიო კომისიების „მუშაობა“, რომელიც უმრავლეს შემთხვევებში არა სჩანს. სარევიზიო კომისიები, რომ თავის სიმაღლეზე იდგენ, რემედასის მიერ შეგროვილ კაპეიკების გაფლანგვას ზოგან ადგილი არ ექნებოდა.

ზოგიერთების აზრით, რაკი რემედასი ნებაყოფლობითი ორგანიზაციაა, ფიქრობენ, მაში მუშაობაც ნებაყოფლობითი უნდა იყოს. ეს კი მიუტოვებელი დანაშაულია. არავის არ ეპატიება ასე მსჯელობა ჩვენს დროში. მარ-

თალია რემედასი არ არის წმინდა კლასობრივი ორგანიზაცია, მაგრამ ის პარტიასთან ერთად იბრძვის საერთაშორისო ოქტომბრის მოსაპოვებლად, და თავისი ათიმილიონიანი წევრით მზად არის ლახვარი ჩასცეს ყველა იმათ, ვინც მოინდომებს საბჭოთა ქვეყნის მშვიდობიანობის დარღვევას. თუ ეს ასეა რემედასში არ უნდა მუშაობდნენ შემთხვევითი ელმენტები, რომლებსაც არ აინტერესებთ ჩვენი უდიდესი ამოცანები.

რემედასის უჯრედები, თუ თემკომები საანგარიშო კრებებზე აბარებენ თავიანთ მუშაობის შესახებ ანგარიშს. მიღებულ რეზოლიუციაში ნათქვამია: იმ პირობებში, რომელშიაც მას უხდებოდა მოღვაწეობა, მუშაობა ცნობილი იქნეს დამაკმაყოფილებლად. დადგენილებაში არ არის აღნიშნული, თუ რა პირობებში უხდებოდა მუშაობა, ამა თუ იმ უჯრედს. 7-8 თვის განმავლობაში არაფერი არ გაკეთებულა, მაგრამ მუშაობას მაინც „სცნობენ“ დამაკმაყოფილებლად (ლია, ანაკლია, ხეთა), ეს „შ ე ნ ც ი ც ო ც ხ ლ ე, მ ე ც მ ა ც ო ც ხ ლ ე ს“ მიღრეკილებაა. ჩვენ ეს არ გამოგვადგება.

ასეთი ყოვლად მიუტოვებელი დანაშაული აუცილებლად უნდა იქნეს კრიტიკის ქარ-ცეცხლში გატარებული. ყოველგვარი წერილმანი, რომელსაც რაიმე დადებითი, ან უარყოფითი ხასიათი აქვს ჩვენი ორგანიზაციისათვის აუცილებლად უნდა იწერებოდეს ადგილობრივ კედლის გაზეთებში, საბჭოთა-პარტიულ პრესაში, პირველ რიგში კი, ჟურნალ „რემედას“-ში.



გაფიცული ფეიქართა დევნა გასტონში (ჩ. ა. შ. შ.).

ამრიგად, დროა საქართველოში რემედასის არსებობის მეშვიდე წელში მაინც შევიგნოთ, რომ რემედასში სხვათა შორის მუშაობა არ გამოგვადგება.

მშრომელთა მასები აქტიურად უნდა იქნენ ჩაბმულნი რემედასის ყოველდღიურ მოღვაწეობაში.

გავაჩაღოთ თვითკრიტიკა, ხელი შეუწყოთ წარსულში დაწვებული ნაკლულევანებათა გამოსწორებას და წინ გავსწიოთ.

*) ამ ნაკლს ისევ საქ. რემედასის ცეკამ მიაქცია ყურადღება და ის დროზე გამოსწორებული იქნა.

დ. ხ.

დ. ხურცილავა.

მ ი ს ა ბ ა ძ ი მ ა გ ა ლ ი თ ი

(ქ. ფოთი)

რემედასის მნიშვნელობა, მისი მიზანი და ამოცანები ნათელია მშრომელი მასისთვის. ამის აშკარა დამაბტკიცებელია ის გარემოება, რომ ჩვენს ორგანიზაციაში გაერთიანებულია ჩვენი ქვეყნის მშრომელი მოსახლეობა. ეს უკანასკნელი თავის ყოველდღიურ საქმიანობასთან ერთად არ ივიწყებს უცხოეთში მებრძოლთ, კლასიურ ძმებს, რომლებიც პირისპირ ებმებიან ბურჟუაზიას.



1929 წ. ნოემბრის 25, ქ. ბერლინში დაბრუნდა საბჭოთა კავშირში, ოქტომბრის დღესასწაულში მონაწილეობის მისაღებათ გამოგზავნილი მუშათა დელეგაცია. ბერლინის პროლეტარიატმა დაბრუნებულ მუშებს გაუმართა საზეიმო შეხვედრა.

ქალაქ ფოთის რემედასის კომიტეტმა შესძლო რემედასის საკმაოდ მომზადებული აქტივთა კადრების ჩამოყალიბება. რემედასის კომიტეტის მოღვაწეობა იმდენად ნაყოფიერია, რომ დღეს ფოთის მშრომელთა დიდი უმრავლესობა აქტიურად ჩაბმულია რემედასის რიგებში. მშრომელთა ფენებში სწარმოებს ინტერნაციონალურ-აღმზრდელობითი ხასიათის მუშაობა.

გასული წლის დეკემბრის 7, რემედასის ფოთის კომიტეტის მიერ მოწვეულ იქნა რემედასის აქტივის, კომუჯრედების, კომკავშირის უჯრედების პ/მგ. მდივნების, მასწავლებლებისა და დელეგატ-ქალთა გაერთიანებული კრე-

ბა: სადაც რემედასის ამოცანების შესახებ ვრცელი მოხსენება გააკეთა ფოთის კომპარტიის კომიტეტის პ/მგ. მდივანმა ამხ. ქიჭიკოიშვილმა.

მოხსენების შემდეგ კრებამ ერთხმად დაადგინა უცხოეთის საპრობილეებში მოქცეულ პოლიტ-პატიმრების სასარგებლოდ გაღებული იქნეს ყოველთვიურად ერთი საათის ხელფასი ყველა მუშა მოსამსახურეების მიერ. კრებამ დაადგინა აილოს შეფება ბულგარეთის რომელიმე საპატიმროზე და შეგროვილი თანხა მოახმაროს იქ მოქცეულ პატიმარებსა და მათი ოჯახის წევრთა მდგომარეობის გაუმჯობესებას. ამავე კრებაზე დელეგატ ქალებმა გამოიტანეს დადგენილება: რემედასის კომიტეტში შეიტანონ ყოველთვიურად 25 კაპ. აქვე ზოგიერთმა დელეგატ-ქალებმა რემედასს შესწირეს სხვადასხვა ძვირფასი ნივთები.

რემედასს უდიდესი სიმპატიით ეპყრობა დიდი და პატარა. მაგალითისთვის საკმარისია დავასახელოთ შემდეგი: 4 წ. ვიქტორ ბიგვაგასაგან ორგანიზაციამ შემოწირულების სახით მიიღო 5 მანეთიანი ოქროს ფული. დაზვის მუშამ — სტურუამ შემოწირულების სახით შემოიტანა მთელი თვის ჯამაგირი — 140 მანეთი და ამავე მიზნით გამოიწვია დანარჩენი ამხანაგები.

კრებამ მიიღო შესაფერისი რეზოლიუცია, რის შემდეგ წარმოდგენილი იქნა ერთ-მოქმედებიანი პიესა „რემედას“.

მეორე დღეს გაიმართა ფეხბურთელთა შეჯიბრი, რომელშიაც მონაწილეობა მიიღეს რემედასის ფოთის კომიტეტისა ფეხბურთელებმა და ქუთაისის ფეხბურთელთა გუნდებმა. შეჯიბრი დამთავრდა ფოთელების გამარჯვებით.

უნდა ითქვას, რომ რემედასის ფოთის კომიტეტი ნაყოფიერ მუშაობას აწარმოებს მშრომელთა ინტერნაციონალურად აღზრდის საქმეში.

რემედასს ჯერ კიდევ ბევრი აქვს გასაკეთებელი და ჩვენ გვჯერა ამ უდიდესი ამოცანების განხორციელებაში ფოთის მშრომელი მოსახლეობა პირველ ადგილს დაიჭერს.

ვ. ადამია.

რ ე მ ე დ ა ს ი ს მ უ შ ა ო ბ ა ს უ ს ტ ი ა

(წერილი აჭარისტანიდან)

ზედმეტია ლაპარაკი იმის შესახებ, რომ რემედასი უდიდესი ინტერნაციონალური აღმზრდელობითი მუშაობას აწარმოებს მშრომელ მასაში. რემედასის ორგანიზაციებს ამ მხრივ დიდი მიღწევები აქვს საერთოდ, კერძოდ კი საქართველოში.

სამწუხაროდ არ შეიძლება ითქვას, რომ ყველგან ეს ასე ხდებოდეს და ნაკლს არ ჰქონდეს ადგილი.

ჩვენ გვინდა შევხვით რემედასის მუშაობას აჭარისტანში. აქ საქმე ვერ არის რიგიანად დაყენებული. აჭარისტანში რემედასის მუშაობას ბევრი ნაკლი აქვს, მაგ-

რამ ყველა ამათი აღნუსხვა ჩვენ შორს წაგვიყვანს. ამიტომ შევეხები მთავარს:

მშრომელ მასაში არ სწარმოებს ფართე ახსნა-განმარტებითი მუშაობა რემედასის იდეების პოპულიარიზაციის მიზნით.

აჭარისტანში არის რემედასის ისეთი უჯრედები, რომლებმაც დღემდის არ იციან რემედასის ძირითადი ამოცანები. უჯრედის ზოგიერთ წევრებს არავითარი წარმოდგენა არა აქვთ ორგანიზაციაზე.


უჯრედი კმაყოფილდება მხოლოდ საწევრო ანარიცხების აკრეფით. უჯრედთა შორის არ არსებობს არავითარი კავშირი.

ქალაქის ორგანიზაციები ზრავითარ ხელმძღვანელობას არ უწევენ სოფლის უჯრედებს. აქვე უნდა მივუთითო რემედასის საოლქო კომიტეტს და მოვაგონო, რომ მართო ქალაქის უჯრედების მოვლა და მათი ხელმძღვანელობა არაა საკმარისი. სოფლისა და ქალაქის გარეუბნების უჯრედები უპატრონოდ მიტოვებულია. ამას უნდა მიექცეს ჯეროვანი ყურადღება და ეს ნაკლი დროზე უნდა იქნეს აღმოფხვრილი.

ზედმეტია ლაპარაკი ქობულეთის, ქედისა და ხულოს ორგანიზაციებზე ხელმძღვანელობის შესახებ. რემედასის საოლქო კომიტეტი უგზავნის ადგილებს ცირკულიარებს. მაგრამ ძალზე დაგვიანებით, ისიც რუსულათ, სოფლებში კი არავინაა მისი გადამთარგმნელი და ამრიგად მუშაობა ფერხდება.

თუ რამდენად უყურადღებობას იჩენს საოლქო კომიტეტი ადგილებისადმი სჩანს იქიდან, რომ 1927 წ. აჭარისტანის სასოფლო-სამეურნეო სკოლაში ჩამოყალიბდა რემედასის უჯრედი. მიუხედავად ჩვენი არა ერთხელ მო-

თხოვნისა ოლქკომმა დღემდის ვერ გამოგზავნა ერთი კაცი, რომელიც მოხსენებას გააკეთებდა რემედასის იდეების შესახებ.



ნიუ-იორკის ქუჩებში დაპატიმრებულ კომუნისტებს პოლიციელები სვამენ სპეციალურ ავტომობილში.

ოლქკომს მოვაგონებთ კიდევ, რომ ასეთი ხელმძღვანელობა არ ვარგა, საჭიროა ეს შეიცვალოს, მეტი ყურადღება მიექცეს ადგილებს. გავსცილდეთ შუა ქალაქს, ვნახოთ აჭარისტანის სოფლის პირობები და მისი მიხედვით ხელი შეუწყო იმ უდიდესი ორგანიზაციის განმტკიცებას, რომელიც მიზნად ისახავს მთელი ქვეყნის დევნილ რევოლუციონერთა მატერიალურად და მორალურად დახმარებას.

დურსუნ მუჰანაძე.

დავეხმაროთ კაპიტალისტურ ქვეყნებში დაპატიმრებულებს

დღევანდელი კაპიტალისტური მსოფლიოს წარმომადგენლები სამკვდრო-სასიცოცხლოდ ებრძვიან რევოლუციონურ მუშათა კლასს. ისინი არ ერიდებიან არავითარ საზიზღარ ზომებს გამანთავისუფლებელი მოძრაობის ჩასაქრობად. ამ მოძრაობის ხელმძღვანელებს და მის მონაწილეებს აპატიმრებენ. სდენიან და ჟლეტენ განუკითხავათ.

საბჭოთა კავშირის აღმოცენების პირველ დღიდანვე მატულობს კაპიტალის პატიმართა რაოდენობა. ოქტომბრის დიდმა რევოლუციამ აამოქმედა ყველა ქვეყნის ტვირთ-მძიმე და მაშვრალნი, რომლებიც საშინელ ექსპლოატაციას განიცდიდნ და დღესაც განიცდიან კაპიტალისტურ წყობილების პირობებში. მუშათა რევოლუციონური მოძრაობის გაძლიერებამ გამოიწვია ყველა ანტირევოლუციონური ძალების შეკავშირება: კაპიტალისტები ცდილობენ მთლიანი ფრონტის შექმნას და მათ ნაწილობრივად კიდევ მიაღწიეს ამას. ისინი აშკარად, თუ

ფართულად თავს ესხმიან მუშებს, რევოლუციონურად განწყობილ გლეხებს და კოლონიალურ ერებს.

საბჭოთა კავშირის ძლევა-მოსილმა პროლეტარიატმა პირველმა წამოისროლა ლოზუნგი: „დავეხმაროთ კაპიტალისტებს“. მანვე საფუძველი ჩაუყარა რემედასის ორგანიზაციას. რომლის სექციებით და მოძმე ორგანიზაციებით მოფენილია დღეს დედამიწის ყოველი კუთხე.

როგორც ვიცით ეს ორგანიზაცია ექვსი წელიწადია, ნაყოფიერ მუშაობას აწარმოებს და როგორც მატერიალურად ისე მორალურად ეხმარება საერთაშორისო კაპიტალის პატიმრებს.

რემედასის ორგანიზაციებში გაერთიანებული მშრომელთა მოვალეობაა ხელი შეუწყოს მშრომელ მასაში ინტერნაციონალურ ერთსულოვნების განმტკიცებას საზოგადოების სხვადასხვა ფენებში. ჩვენ კი წითელ ყაზარმებში-მყოფნი, მუშებისა და გლეხების შეილებს გვევალება

ს ა დ რ ა ხ თ ე ბ ა

ბულგარეთი. „ნ 2“-ის პროცესი. სოფიაში უკანასკნელად ჩატარებულ „ნ 2“-ის პროცესზე დასრულდა ბრალდებულთა დაკითხვა. ბრალდებული ჩაკოვი, შემოიღოთ სახლიდან, პირდაპირ სასამართლოში მოიყვანეს. მას ხელფეხზე ხუნდები ჰქონდა გაყრილი. ჩაკოვი შემოიღოთ სახლში მოათავსეს მას შემდეგ, რაც მან ცემის დროს დაჰკარგა ნერვიული წონასწორობა.

ბრალდებული კომუნისტები სასამართლოში გამოვიდნენ სიტყვებით — ბულგარეთში მძივანვარე თეთრი ტერორის საწინააღმდეგო. ყველა ბრალდებულზე უარჰყვეს წინადაცემული ჩვენებები, რომელიც მათ გასცეს წინასწარ გამოძიების დროს მიყენებულ ფიზიკურ შეურაცყოფის დროს. პროკურორმა მოითხოვა სასტიკი სასჯელი ყველა ბრალდებულებისათვის, რომელიც საერთო ჯამით უდრის 712 წ. დაპატიმრებას.

აღნიშნული პროცესის წინააღმდეგ მასიური პროტესტები მოედო მთელს ბულგარეთს. ბულგარეთის ყველა საპრობილეში მოქცეულმა პოლიტ-პატიმრებმა „ნ 2“-ის პროცესის საპროტესტოდ და ბრალდებულებისადმი თანაგრძნობის გამოცხადების მიზნით, გამოაცხადეს სიმშვილბა. ხელისუფლება ცდილობს აღკვეთოს ეს მასიური პროტესტები. ამ მიზნით ის ახდენს „შემჩნეულ“ პირთა მასიურ დაპატიმრებას. ამ საქციელს ისინი ამართლებენ იმით, რომ თითქოს ბულგარეთში „აღმოჩნდა“ ახალი არალეგალური კომუნისტური ორგანიზაციები.

ლატვია. ახალი საკატორლო განაჩენები. 1929 წ. ნოემბრის 23, რიგის სასამართლომ ამხ. ედმუნდ ცელტმანსა და იან პუტნისს მიუსაჯა 3 წ. საკატორლო მუშაობა კომუნისტური ლიტერატურის გავრცელებისთვის.

სასამართლოს პალატამ დაამტკიცა ლიბავისა და რიგის სასამართლოების მიერ გამოტანილი განაჩენები რევოლუციონერ მუშების საქმის გამო.

ლიბავაში საკატორლო მუშაობა მიესაჯა შემდეგ პირებს: 19 წ. ალბერტ ზებერინგს — 3 წელი. 20 წ. კუნს, 18 — ივანე იგნატს, და 19 წ. — ფრიც არნის 2 — 2 წელი თვითუღოს, ხოლო 23 წ. — პეტრე შაკალს — 3 წელი.

რიგაში 3 — 3 წ. კატორლა მიუსაჯეს ლატვიის უნივერსიტეტის სტუდენტებს 21 წლის — ბორის ხენკელს, და 23 წ. — ერნსტ დებლაუნს.

როგორც ლიბავის, ისე რიგის სასამართლოს მიერ გასამართლებულებს ბრალი ედებადათ კომუნისტური პროპაგანდასა და არალეგალურ ლიტერატურის გავრცელებაში.

საზრანბეთი. დევნის გაძლიერება. რემედის საფრანგეთის სექციის ცნობის თანახმად 1929 წ. ოქტომბერში პოლიტიკურების დევნამ უმწვერვალეს წერტილს მიაღწია. მთელ რიგ პოლიტიკურ პროცესების დროს 72 ბრალდებულს მიესაჯა 84 წ. საპატიმრო და 390000 ფრანკი ჯარიმა.

კოლონეთი. კომკავშირელთა დევნა ვარშაშ. 1929 წ. ნოემბრის 20, აკის 10 წ. თავზე, მიუხედავად ვარშავის პოლიციის მიერ მიღებული მკაცრი გამაფრთხილებელი ზომებისა ქალაქში მოეწყო კომკავშირელთა უდიდესი დემონსტრაცია. პოლიციის აგენტებმა წითელი დროშების წართმევის მიზნით პირდაპირ სროლა აუტეხეს დემონსტრანტებს. მოკლულია ერთი მუშა, დაიჭრა 4.

დემონსტრაციის დარბევის შემდეგ მუშურ უბნებში ჩატარებული იქნა ჩხრეკა და მასიური დაპატიმრებანი.

საბჭოთა კავშირთან ერთად მედგრად დავიცვათ საერთაშორისო მუშათა კლასის საარსებო ინტერესები.

ჩვენ წითელ არმიელებს ერთი წუთითაც არ უნდა დაგვაფიწყდეს, რომ ჩვენი უდიდესი კავშირის წითელი საზღვრების იქით, იქ სადაც ჯერ კიდევ მძვინვარებს შავი რეაქცია ასობით და ათასობით ეცემიან თავისუფლებისათვის მეტრძოლი ამხანაგები. ისინი საჭიროებენ ჩვენს თანაგრძნობას და ძმურ დახმარებას. ჩვენ მუდამ მზად უნდა ვიყოთ მათი დასახმარებლად.

რემედასი არის ერთადერთი ორგანიზაცია, რომელიც ზრუნავს კაპიტალის მსხვერპლთა მდგომარეობის შემსუბუქებაზე, ის ცდილობს შექმნას საერთაშორისო ოქტომბრის წითელი ზურგი, ამიტომ ჩვენც — წითელ არმიელები ვალდებულნი ვართ ყოველმხრივად ხელი შევეწყოთ ამ ორგანიზაციის ნაყოფიერ მუშაობას, როგორც ყაზარმაში, ისე ფაბრიკა-ქარხნებსა და სოფლებში.

სადაც არ უღა ვიყოთ ჩვენ: ყაზარმაში, მეცადინეობაზე. საზოგადოებრივ დავალებების ასასრულებლად, თუ მინდვრად სამუშაოდ — არასოდეს არ უნდა დაგვაფიწყდეს, რომ საერთაშორისო პროლეტარიატი დღეს სამკედრო-სასიცოცხლო ბრძოლას აწარმოებს კაპიტალისტურ წყობილების დასამხობად.

ამ ბრძოლის წარმოების დროს უამრავი ამხანაგები ეცემიან კლასობრივი მტრის მახვილით გულგანგმირულნი, ასობით და ათასობით იტანჯებიან პოლიტ-პატიმრები ციხე-კატორგებში, ხოლო მათი ოჯახის წევრები კი ულუკმაპუროდ არიან დარჩენილნი.

ჩვენ უნდა მივხედოთ მათ.

ყველანი რემედასის რიგებისაკენ!

წითელ-არმიელი: გ. ოთარიშვილი

შეჯიბრი რემედასის ორგანიზაციაში

(მალაკი, ქუთაისის ოლქი)

რემედასის ორგანიზაციის მუშაობის უფრო მეტი ნაყოფიერების მიზნით და მშრომელ მოსახლეობაში ინტერნაციონალური აღმზრდელობის მკვიდრ ნიადაგზე დასაყენებლად, რემედასის მალაკის სათემო კომიტეტი სოციალისტურ შეჯიბრში იწვევს რემედასის ვანის სათემო კომიტეტს.

შეჯიბრების პირობათ მიღებულია შემდეგი:

1. რემედასის ორგანიზაციებში ჩაბმულ იქნას ჩვენი თემის სხვა ორგანიზაციების წევრები სრული 100%-ით.
2. მასაში რემედასის ლიტერატურის, კერძოდ კი — ჟურნალ რემედასის მაქსიმალურად გავრცელება.
3. მოსახლეობის 40% ჩაბმა რემედასის რიგებში.
4. რემედასის უჯრედებში ინტერნაციონალურად აღზღის საქმის მკვიდრ ნიადაგზე დაყენება.
5. მიღებულ ქნას ყოველგვარი ზომები, რათა არც ერთი წავსიელი ად ანტისაბჭოთა ელემენტი არ მოხვდეს რემედასის რიგებში წევრად.

6. მოხდეს სრული ლიკვიდაცია ყოველგვარი დავალიანებათა, როგორც ქვემდგომ, ისე ზემდგომ ორგანიზაციებში

7. გაუმჯობესებული იქნეს ორგანიზაციის ფინანსური ღონისძიება ნებაყოფლობით შემოწირულებებითა და ფასიანი საღამო-წარმოდგენების მოწყობით თემის მასშტაბით.

8. რემედასის რიგებში ჩაბმულ იქნეს მშრომელი ქალები.

შეჯიბრის მსვლელობა ფართოდ უნდა იქნეს გაშუქებული, როგორც ადგილობრივ კედლის გაზეთებში ისე ჟურნალ „რემედასში“.

შეჯიბრის პირობების შედეგების შემოწმება ხდებოდა 6 თვეში ერთხელ, რაც მიენდოს რემედასის ქუთაისის საოლქო კომიტეტს.

შეჯიბრის კომისია.

СПУТНИК МОПРОВЦА

„Спутник Мопровца“

необходимое пособие для каждой ячейки, для каждого активиста.

„Спутник Мопровца“

помещает регулярно цифровые сводки о белом терроре и деятельности МОПР'а (особое внимание обращается на освещение деятельности МОПР'а за рубежом.

„Спутник Мопровца“

освещает работу местных организаций МОПР.

„Спутник Мопровца“

помещает обработанный материал для докладчиков и агитаторов МОПР'а тезисы и лозунги к кампаниям и т. д.

„Спутник Мопровца“

освещает работу руководящих органов ЦК МОПР — пленумов ЦК, президиум а секретариата.

У С Л О В И Я П О Д П И С К И :

На 12 месяцев — 2 р. —	На 3 месяца — 55 к.
„ 6 „ — 1 р. 55 к.	„ 1 „ — 20 к.
„ 6 „ — 1 р. 05 к.	Цена отдельного № — 10 к.

За границу наценка на 25 проц.

Организации МОПР, производящие подписку непосредственно от Издательства, удерживают скидку в размере 10 проц. с подписной платы. Скидка по годовой подписке на „ПУТЬ МОПР'а“ в рассрочку удерживается каждый раз с той суммы, которая переводится в Изд-во в предоставленные сроки.

Подписка принимается только с 1 числа каждого месяца.

Заказы принимаются к исполнению после получения подписной платы.

Подписную плату в сумме до 3 рублей можно присылать почтовыми марками (мелкого достоинства).

Для своевременной высылки изданий заказы и подписная плата должны поступать в Издательство не позднее 20 числа предшествующего подписному месяцу.

При возобновлении подписки и всякого рода справках необходимо ссылаться на номер квитанцию или на номер, имеющийся на адресе-бандероли, либо посылать самый адресок.

Подписная плата направляется почтовым переводом в адрес Издательства

Москва, 9, ул Огарева, д. 4 тел. отд. Распространения 3—08—47.

გამომცემელი რემედასის საქ. ცენტრ. კომიტეტი.

რედაქტორი: შამში ლეშავა.

თფილისი, ს. ს. მ. ჟ.ს. პოლიგრაფიკ. 1-ლი სტამბა, პლენ. გამზირი № 91, მთავარლიტი № 26. შეკვეთა № 616. ტირაჟი 7000.

გამოცემით და იკითხეთ

რემედის საქართველოს ცეკას და ტფილისის საოლქო კომიტეტის
შოველთვიური მასიური ორგანო შურნალ

1930

რემედის

1930

გამოცემის წელი მეშვიდე

ჟურნალში უმთავრესი ურადლება ექცევა საერთაშორისო რევოლუციონურ მოძრაობას, თეორი ტერორისა და ფაშისმის თარეშს, როგორც დასავლეთ-ევროპის კაპიტალისტურ სახელმწიფოებში, ისე აღმოსავლეთის კოლონიალურ და ნახევრად კოლონიალურ ქვეყნებში; ჰატიმარ რევოლუციონერების მდგომარეობას კაპიტალის საზღვრობილებში; რემედის, როგორც **საბჭოთა პავურიისა და საქართველოს ორგანიზაციების, ისე უსხოათის საქმიების მოღვაწეობას.**

ფართე აღგილი ეთმობა აგრეთვე მხატვრულ ლიტერატურას და მხატვრობას. ჟურნალში მოთავსებული იქნება მდიდარი ილიუსტრაცია, როგორც საერთაშორისო მუშათა კლასის და რევოლუციონური კლესობის კლასობრივი ბრძოლების ეპიზოდებიდან, ისე ეველა ქვეყნის რემედისის სექციების მუშაობიდან.

ხელის მოწერის პირობები

პირთი თვით	20 კაპ.	მეცხი თვით	1 მ. 15 კაპ.
სამი თვით	60 "	ცხრა თვით	1 " 70 "
		ერთი წლით	2 " 20 "

ხელისმოწერა მიიღება მხოლოდ შოველი თვის პირველ რიცხვიდან

ყოველი აქტიური რემედისელი, უჯრედი, ქობ-სამკითხველო, მუშა-მოსამსახურე, შრომელი გლეხი და დიასახლისი უნდა გახდეს ჩვენი ჟურნალის ხელისმომწერი.

ჟურნალ „რემედის“-ზე ხელისმოწერით ჩვენ ვაღვივებთ მშრომელ მასაში ინტერნაციონალურ ერთსულოვნებას.

რემედისის უჯრედებო და გეზდვითი სიტყვის ორგანიზატორებო იზრუნეთ თქვენი შურნალის გავრცელებაზე

ჟურნალზე ხელის მოწერა იწარმოებს, როგორც რემედისის საქართველოს ყველა საოლქო, სამაზრო, სარაიონო კომიტეტებში და უჯრედებში, ისე ფოსტა-ტელეგრაფის განყოფილებებში.

1930 წ. იანვრის პირველიდან შურნალ „რემედის“ გადაეგზავნება მხოლოდ ხელის მომწერლებს.

რემედისის საქ. ცენტრალურ კომიტეტის გამომცემლობა.